



5 Oppvekst

Drift

Alle tal i heile 1 000

Teneste	5 OPPVEKST	Regnskap 2023	Buds(end) 2023	Budsjett 2023	Regnskap 2022
1240	DIVERSE FELLEFSKJONAR	17	-	-	-
1250	IKT	7	-	-	2
2110	BARNEHAGE	91 411	92 038	89 386	79 792
2111	STYRKA TILBOD TIL FØRSKOLEBARN	11 535	10 833	10 833	9 586
2120	GRUNNSKOLE	133 987	123 779	123 821	120 925
2121	PEDAGOGISK RETTLEIINGSTENESTE	2 088	1 099	1 099	1 382
2130	VAKSENOPLÆRING	3 159	4 475	4 475	611
2150	SKOLEFRITIDSTILBOD	5 488	3 428	2 120	3 713
2220	SKOLELOKALER	1	-	-	-
2230	SKOLESKYSS	2 200	684	684	2 249
2412	PSYKISK HELSEVERN	-	-	-	4
2423	MOT - PROSJEKTET	241	311	311	311
3830	KULTURSKULE	920	679	679	966
Sum gruppeansvar: 5 OPPVEKST		251 054	237 325	233 407	219 541

Økonomi

Netto driftsresultat for ramme 5 oppvekst 2023 er eit overforbruk på 13.729 mill. Knappe 10 million av overforbruket er knytt til lønnsutgifter i grunnskule. Vel 2 million er knytt til auka lønnsutgifter i SFO.

Ramma vart styrka med 3.760.000 (k.sak O43/23). Budsjettjusteringa var knytt til kompensasjon for redusert makspris i barnehage, gratis kjernetid i SFO også for 2. årssteg, samt auka kostnader i overføring til private barnehagar.

Alle barn og unge i Giske kommune har rett til ein trygg og god oppvekst. Omkostningane ved at nokon fell utanfor samfunnet er enorme, for den enskilde og også for familien og samfunnet. God kvalitet i barnehage og skule er forstått som ein viktig beskyttelsesfaktor. Gjennom 2023 har visjonen for ein oppvekst i Giske kommune "Det var bra eg kom" blitt meir konkretisert i einingane, gjennom utvikling av kunnskapsgrunnlag og øving på nye og betre praksisar. Gjennom sommaren og hausten kom tilsette på plass i PPT og i psykisk helseteam og laget rundt barnet og ungdommen, vart slik styrka inn mot vinteren. Slik vart også laget rundt dei tilsette i oppvekst styrka.

Å ha PPT-tilsette og helsjuepleiar med i inkluderingssteama i barnehage og i skule har bidratt til å styrke utviklinga av ein betre inkluderande praksis.

I kvardagen viser det seg at tilsette i barnehage og skule ofte erfarer å ikkje strekke til, spesielt i møte med barn og familiar som av ulike grunnar har det svært vanskeleg. Både pedagogane og andre tilsette viser stort engasjement, dei ynskjer å vere tett på, kunne variere tilnærming for utvikling og læring. Dei ynskjer tid og rom til å sjå den enkelte og alle.

Oppvekstsektoren har gjennom 2023 hatt rammer for lovleg drift i grunnskulen med minste lærarnorm, symjeopplæring for låg måloppnåing, leksehjelp og faget fysisk aktivitet.

For barnehageområdet har det vore låg grunnbemanning og utfordrande å rekruttere rett kompetanse.

Våren 2023 avslutta leiarar og stab eit tre semester langt leiarutviklingsprogram, levert av IMTEC, og i hovudsak finansiert av OU-midlar. Det har vore fagdagar og også støtte til leiargruppene i einingane.

Skulane starta hausten 2023 med skulebasert kompetanseutvikling med "Fagleg inkludering" som tema.

Befolkningsframskrivinga viser at utgiftsbehovet i grunnskulen i Giske vil vekse fram mot 2030.

Teneste 2110 Barnehage

Dei kommunale barnehagane drifta om lag i balanse.

Det går 35 færre barn i barnehage i Giske kommune i 2023, enn det gjorde i 2022. Samfunnsplanen legg til grunn at Giske kommune bør ha fleire kommunale barnehageplassar og det er igangsett arbeid med dette i form av dialog om kommunal overtaking av private barnehagar.

Teneste 2010 Førskule og private barnehagar drifta med eit underforbruk på 1,6 mill. Området fekk budsjettjustering og kostnadane for overføring til private barnehagar vart noko lågare enn berekna.

Teneste 2111 Styrka tilbod til førskolebarn

Spesialpedagogane er knytt tett opp til den enkelte barnehage, bidrar i inkluderingssteam og også i avdelingsmøte for slik å skape betre samanheng mellom det allmennpedagogiske og det spesialpedagogiske. Spesialpedagogane har også støtta barnehagane i å utvikle den analytiske praksisen, bruk av analysemodellen, gjennom å delta i inkluderingssteam og i avdelingsmøter området gjekk med eit overforbruk på ca 700 000.

Teneste 2120 Grunnskule

Grunnskule hadde eit overforbruk på 10 millionar. Overforbruket er knytt til auka lønnsutgifter. Det var forsinka lønnsoppgjær frå 2022, lønnsvekst som også genererte auka sosiale kostnader til arbeidsgivaravgift/ forsikring. Lønnsoppgjære for 2023 innebar også tilpassing til nabokommuner av lønnsnivået for mellomleiarane i oppvekst. Tilpassing av ressursar i klasser/klassemøter har vore ein del av utgiftsbiletet både knytt til elevar som ikkje har eit trygt og godt læringsmiljø, eller ikkje tilfredstillande læringsutbytte.

I 2023 var elvane frå 5. - 7. trinn saman om å bidra til Global Science Opera, etter initiativ frå Valderøy barneskule. Dette vart ei flott erfaring av meistring og kreativitet, med fleire hundre elevar på scena og mesterleg rigg frå den elevstyrte lyd og lysgruppa!

Teneste 3830 Kulturskule

Kulturskulen drifta med eit overforbruk på 241 000.

Kulturskulen er eit viktig supplement til oppvekstmiljøet i Giske kommune, med bidrag for å gjere Giske kommune til ein god plass å vekse opp, gi opplæring og meistring, samt gi barn høve til å følgje sin draumar og ambisjonar. Ein av elevane fekk tildelt det prestisjefulle Draumestipendet, eit stipend som går til unge talentfulle utøvarar innanfor kunst og kultur. Kulturskulen er eit viktig bidrag til elevar som vil utvikle talentet sitt, samt ei viktig støtte til kulturlivet i Giske kommune. Kulturskulen bidrar med kompetanse og støtte til ungdomskulen sin årlege musikal, og leverer tenester til andre einingar, noko som fører livsglede og meistring.

Teneste 2121 Pedagogisk rettleiingsteneste

Pedagogisk rettleiingsteneste hadde eit overforbruk på knapt 1 mill. Lisenser, symjeopplæring, kurs og opplæring vert dekt gjennom pedagogisk rettleiing. Tenesta er tett på utviklinga av varige betre praksisar for ein inkluderande oppvekst i Giske kommune, med fokus på fagleg inkludering.

Teneste 2130 Vaksenopplæring

Giske kommune kjøper frå august 2023 vaksenopplæringa frå Ålesund kommune. Området leverte for vel 1 million under budsjett. Elevar som tek Grunnskule for vaksne, introprogram, samt norsk og samfunnsfag, får denne opplæringa ved Ålesund vaksenopplæring.

Teneste 2150 Skolefritidstilbod

Giske har den høgste foreldrebetalinga i fylket, likevel landa netto driftsresultat på eit overforbruk på vel 2 mill. Det blir gjort årlege utrekningar av sjølvkost i SFO-ordninga. Nettokostnaden går i hovudsak til ekstra tiltak for barn med særskilte behov for oppfølging og tilrettelegging. Frå 1. august 2023 er det gratis kjernetid i SFO for elevar på 1. og 2. trinn. Dette har auka andelen barn i SFO, og fleksibelt arbeidsliv gjer at mange familiar berre bruker gratis kjernetid, noko som sterkt utfordrar ambisjonane og SFO som sjølvkostområde.

Teneste 2230 skuleskyss

263 elevar hadde tilbod om skuleskyss hausten 2023 og det var eit overforbruk på vel 1,5 mill på dette området. Skysslinja for ungdomsskulen låg igjen ved "Valderøy ungdomsskule".

Andel barn (0-18 år) i prosent av samla folketal per 31.12.2023

Som grafen over syner, er Giske framleis den mest barnerike kommunen i fylket. Av dei 8691 innbygarane var 2243 under 18 år. I 2023 vart det fødd 84 barn tilhøyrande Giske kommune. 25,8 % av innbygarane er under 18 år.

Her finn du fleire fakta om Giske: [Kommunefakta Giske - SSB](#)

Styringskort og styringsindikator

FOKUSOMRÅDE	MÅL	MÅLEINDIKATOR	RESULTAT 2023	RESULTATMÅL 2024	
Brukarar	God kvalitet i oppvekst	Systemretta tiltak i alle einingar for lovfeste tidleg innsats (§ 1-4)	Få av einingane har fått til å prioritere systematisk intensivopplæring	Systemretta tiltak i alle einingar for lovfeste tidleg innsats (§ 1-4)	
	God kvalitet i barnehage	*Andel tilsette med utdanning som barnehagelærar	37,9 %	50%	
		**Andel tilsette med Fagbrev	20%	33%	
	God kvalitet i skule	Systemretta tidleg innsats for god språkopplæring i barnehage	Alle barnehagar har søkt deltaking i regional kompetanseutvikling knytt til inkluderande språkmiljø.		
		Brukertilfredsheit totalt	4,4	4,6	
		*Grunnskulepoeng	41,1	45	
		Elevar på meistringsnivå 2-3, nasjonale prøver 5. trinn lesing (i prosent)	77,7 %	80%	
		Elevar på meistringsnivå 2-3, nasjonale prøver 5.trinn rekning(i prosent)	75,1 %	80%	
		Elevar på meistringsnivå 3-5, nasjonale prøver i lesing på 8. trinn (prosent)	78,2 %	69,5%	
		Elevar på meistringsnivå 3-5, nasjonale prøver i rekning på 8. trinn (prosent)	78 %	63,8	
Elevundersøking trivsel (skala 1-5)	4,1	4,5			
Medarbeidarar	Godt arbeidsmiljø og tilfredse medarbeidarar	Nærvær	6,7 %	94%	
ØKONOMI	God økonomistyring	Avvik i % av vedtatt netto driftsramme	+ 6 %	+/- 0	

Berekraft, berekraftsmål nr 17, saman for å nå måla

Tilsette i oppvekstsektoren erfarer å ha bruk for eit tettare samarbeid med fokus på å utvikle likeverdige tenestetilbod i barnehage og skule. Det har vakse fram ei forståing av at kapasiteten aukar når tilsette og leing lærer saman og av kvarandre. Teknologisk kompetanse og erfaring med digitale møterom har opna opp for effektivt samarbeid internt i oppvekst, på tvers av einingar og også tverrfagleg. Eit tydeleg frampeik vil vere å utvikle god og effektiv samhandling til beste for barna som veks opp her. I denne samhandlinga vil det også vere rom for føresette, frivillige, lag og organisasjonar.